

SARS yi vilerisiwa hi Mutokoti un'wana wa swa Xibalo loyi a gweviweke mayelana na nkanandzeleriso wa VAT

Tshwane, 21 Mudyaxihi 2021 – Mutokoti wa swa Xibalo loyi a ringeteke ku papalata mbonako wa yena wo sungula ekhoto kambe laha a nga tlhela a khomiwa kwala ku fambeni, u gweviwile ku tshama ejele 24 wa tin'hweti eKhoto ya Xifundza ya Bloemfontein laha xigwevo xexo xi nga yimisiwa hi ku helela ku ringana malembe manharhu eka milandzu ya 48 ya VAT. Leswi swi landzela ku khomiwa ka Tatana Luvhengo hi ti 9 Ndzhati 20202 endzhakukaloko a tsandzekile ku humelela eka mbonako wa yena wo sungula hi ti 31 Mawuwani 2020. U humesiwile hi beyili.

Milandzu ya nkanandzeleriso yi endlile loko Mutokoti wa swa Xibalo Ritondeni Luvhengo a fambisa timhaka ta xibalo ta khamphani yo aka.

Luvhengo u langutane na 24 wa milandzu yo tsandzeka ku paluxa timhaka ta matsalwa lama lavekaka eka mitlheriso ya VAT 201 leyi rhumeriweke eka SARS.

U rhumerile 24 wa mitlheriso ya VAT 201 ya ziro eka SARS handle ka mpfumelelo wa tlilayenteku kota ku kuma Setifikheti ya Mbhasiso wa Xibalo.

Tanihi mbuyelo, muhehliwa u tlhela a hehliwa hi 24 wa milandzu yo tirha handle ka mpfumelelo wa tlilayente na vulawuri.

Khomixinara wa SARS Edward Kieswetter u te, "SARS yi nge kondzeleli nkanandzeleriso hi vahakelaxibalo na vatokoti va swa xibalo. Hi ntyiso loko ho khoma vatokoti hi ndlela ya xiyimo xa le henhla, tanihi vahlanganisi eka qhingha ra hina ro fikelela nandzeleriso hi ntsakelo."

"Nkanandzeleriso a wu hunguti mali ya tiko leyi SARS yi kotaka ku yi hlengeleta, kambe yi khukhula ndhavuko wa nandzeleriso. Nhlengeleto wa mali ya tiko lowu hungutekeke wu vula leswaku vukorhekeri bya masungulo eka lava sweleke no khumbheka byi nge phakeriwi, ngopfungopfu enkarhini wa xilaveko lexikulu laha Covid-19 ya ha ku vangenani ka mpfilungano eka ikhonomi."

"SARS yi ya emahlweni yi endla swi olova eka vahakelaxibalo na vatokoti va swa xibalo ku landzelerisa na swiboho swa vona swa xibalo naswona yi ta ya emahlweni yi endla swi tika no durha eka lava nga landzelerisiki hi vomu, " ku vurile Tatana Kieswetter.

U engeterile leswaku vatokoti va swa xibalo va khomile vutshembheki bya vahakelaxibalo loko va tirha hi ku va yimela naswona vutshembheki lebyi byi fanele byi nga tshoviwi. Hiletlhelohelo vatokoti va swa xibalo vo tala va tirha hi ku ya hi nawu na le ka ku humelela ka titlilayente ta vona, ku na vatokoti lava tilavelaka swa vona.

Khomixinara u vurile leswaku vahakelaxibalo va fanele va tivonela eka lava va va tholaka tanihi vatokoti va swa xibalo naswona va fanele ku langutisa xiyimo xa ntsariso tanini mutokoti eka webusayiti ya SARS www.sars.gov.za.

Ku kuma vuxokoxoko byo tala, tihlanganise na SarsMedia@sars.gov.za